

বাংলাদেশ কনসুলেট জেনারেল
টরন্টো, কানাডা

প্রেস বিজ্ঞপ্তি

বাংলাদেশ কনসুলেট জেনারেল টরন্টো যথাযথ ভাবগান্তীর্যের মধ্যে দিয়ে জাতীয় শোক দিবস এবং জাতির জনক বঙ্গবন্ধু শেখ মুজিবুর রহমানের ৪৪তম শাহাদত বার্ষিকী পালন করে। জাতীয় শোক দিবস এবং জাতির জনকের ৪৪তম শাহাদত বার্ষিকী উপলক্ষে জাতীয় পতাকা অর্ধনমিত করা হয় এবং ১৫ অগস্ট কালোরাতে বঙ্গবন্ধুসহ যারা শহিদ হয়েছিলেন তাদের আত্মার শান্তি কামনা করে বিশেষ মোনাজাত করা হয়।



কনসুলেট জেনারেল সাম্মাহিক ছুটির দিনে (শনিবার, ১৭ আগস্ট ২০১৯) টরন্টো শহরের একটি স্থানীয় কমিউনিটি হলে বাংলাদেশ কমিউনিটির উপস্থিতিতে শোক দিবসের অনুষ্ঠান আয়োজন করে। অনুষ্ঠানে পবিত্র কুরআন, বাইবেল, গীতা ও ত্রিপিটক পাঠ করা হয় এবং জাতীয় শোক দিবস উপলক্ষে প্রেরিত রাষ্ট্রপতি, প্রধানমন্ত্রী, পররাষ্ট্রমন্ত্রী ও পররাষ্ট্র প্রতিমন্ত্রীর বাণী পাঠ করা হয়। এছাড়া, বঙ্গবন্ধু ও তাঁর পরিবারের সদস্যদের প্রতি শ্রদ্ধা জানিয়ে এক মিনিট নিরবতা

পালন, বঙ্গবন্ধুর উপর প্রামাণ্য চিত্র প্রদর্শন ও বিশেষ মোনাজাত করা হয়। অনুষ্ঠানে মুক্তিযোদ্ধা, বিশিষ্ট বাংলাদেশী ও বাংলাদেশ আওয়ামী লীগ কানাডার সদস্যগণ বঙ্গবন্ধুর নেতৃত্ব, আত্মত্যাগ ও মহিমাপূর্ণ জীবনগাঁথা নিয়ে আলোচনা করেন।



অনুষ্ঠানে কানাডার টরন্টোতে নিযুক্ত বাংলাদেশের কনসাল জেনারেল জনাব নাসেম উদ্দিন আহমেদ জাতির পিতার সংগ্রামী জীবন, ঐন্দ্রজালিক নেতৃত্ব, আত্মত্যাগ ও দূরদর্শি পররাষ্ট্রনীতি সম্পর্কে আলোকপাত করেন। তিনি উল্লেখ করেন যে, স্বাধীন বাংলাদেশে জাতির পিতা হত্যা ও যুদ্ধাপরাধের বিচারের মাধ্যমে ইতিহাসের ঘৃণ্যতম অপরাধীদেরকে বিচারের আওতায় আনা হয়েছে এবং বাঙালি জাতি ‘অপরাধীদের দায় মুক্তি’ প্রদানের ফ্লানি হতে মুক্তি পেয়েছে। কনসাল জেনারেল বঙ্গবন্ধুর স্বপ্নের সোনার বাংলা গড়ার লক্ষ্যে বর্তমান প্রধানমন্ত্রীর ঘোষিত ‘রূপকল্প ২০২১’ ও ‘রূপকল্প ২০৪১’ বাস্তবায়নে সকলকে দলমত নির্বিশেষে কাজ করার আহ্বান জানান।

বাংলাদেশ কনসুলেট জেনারেল টরন্টো কর্তৃক আয়োজিত এই অনুষ্ঠানে বীর মুক্তিযোদ্ধা, বিশিষ্ট বাংলাদেশী, বাংলাদেশ আওয়ামী লীগ কানাডা চ্যাপ্টারের নেতৃবৃন্দ এবং কনসুলেটের কর্মকর্তা-কর্মচারী ও তাদের পরিবারবর্গ উপস্থিত ছিলেন।